

類

焦

類雋卷第十三

勾吳虛舟鄭若庸纂輯

山東按察司副使古虞百樓鍾穀

重校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器

同閱

臨清州知州古完呂珩校正

太學生汪珙校梓

藝術類

醫

大

周禮云醫師掌醫之政令聚毒藥以共醫

事歲終則稽其醫事十全爲上十失一次之十

失四爲下

三

世禮記云醫不三世不服其藥

恒

孔子云人而無恒不可以作巫醫

云齊高疆曰三折肱知爲良醫

眼

書云若藥

弗瞑眩厥疾弗瘳

四

家七略云論方技爲四家

有醫經家有方家有房中家有神仙家

醫

經

書云醫經者原人血脉經絡血脉骨髓陰陽表

裏起百病之本死生之分而用箴石湯熨之所

施調百藥齊和之所宜**神慮**唐書云神慮澹則血氣和嗜欲勝則疾疹作古之聖賢務自頤養不以外物撓耳目声色敗性情藥以攻疾無疾不用藥也**藏府**內經云五臟藏精氣而不瀉故滿而不能實六腑傳化物而不藏故實而不能滿水穀入口則胃實而腸虛食下則腸實而胃虛**病生**內經云百病始生必先於皮毛邪中之則腠理開則入客於絡脉留而不去傳入於經留而不去傳入腸胃**腎藏**內經云臟各有一

耳腎獨有兩者何也腎兩者非皆腎也其左者為腎右者為命門命門者諸神精之所舍元氣之所繫男子以一歲精女子以一繫胞

居臣醫

畧云藥有君臣佐使以相宣攝合和一君二臣

三佐五使又云一君三臣九佐使也

陰陽

本草

云藥有陰陽配合子母兄弟根莖花實艸石骨

肉有單行者有相須者有相使者有相畏者有

相惡者有相反者有相殺者

管仲

世紀云神農

使岐伯嘗艸木之味典醫療疾今經方艸本之

書咸出焉

不覺

論語云康子饋藥拜而受之曰

丘未達不敢嘗

近女

左傳云晉侯求醫於秦秦

伯使醫和視之曰疾不可為也是謂近女室病
如蠱非鬼非食惑以喪志良臣將死天命不祐
公曰女不可近乎對曰鄴之天有六氣降生五
味發為五色微為五聲淫生六疾六氣曰陰陽
風雨晦明也分為四時序為五節過則為災陰
淫寒疾陽淫熱疾風淫末疾雨淫腹疾晦淫惑
疾明淫心疾女陽物而晦時淫則生內熱惑蠱

之疾今君不鄣不時能無及此乎趙孟曰良醫也厚其禮而歸之賈左傳云晉侯疾病求醫於秦伯使醫緩為之未至公夢二豎子曰彼良醫也懼傷我焉迺之其一曰居肅之上膏之下若我何醫至曰疾不可為也在肅之上膏之下攻之不可達之不及藥不至焉不可為也公曰良醫也厚禮而遣之醫國國語云晉平公有疾秦伯使醫和視之文子曰醫及國家乎對曰上醫醫國其次疾人固醫官也舛疴史記云秦王

有病召醫舐痔者得車五乘

良醫

列子云季梁

得疾謁二醫矯氏曰汝寒溫不節虛實失疾之
度病由飢飽色慾精慮煩散非天非鬼惟漸可
攻也季梁曰良醫也急舛之俞氏曰汝始則胎
氣不足乳僅有餘疾非一朝一夕之故其所由
來者漸矣季梁曰良醫也且食之

上池

史記云

扁鵲少為人舍長舍客長桑君過扁鵲奇之常
謹遇之長桑君乃呼扁鵲語曰我有藥方年老
欲傳與君乃出其懷中之藥予扁鵲飲以上池

之水三十日當知物矣扁鵲以其言飲藥三十日從此視病盡見五臟癥結特以診脉為名條

藏

史記云虢太子死扁鵲至虢國中庶子曰暴

蹙而死扁鵲曰尚可活也庶子曰先生得無誕

乎臣聞上古有俞 療病不以湯液乃割皮解

肌湔洗腸胃漱滌五藏

醫

華佗別傳云河內

太守劉勲女苦左膝裏瘡迎華佗使視佗以繩

繫一犬於馬後走馬牽犬犬因不能行因取斷

腸以向瘡口須臾有蛇瘡中出長三尺

怒王

文

子云齊威王有疾良醫文摯曰令王大怒將烹
文摯則愈後因怒王王殺摯而疾愈名聞史記
云扁鵲兄弟三人善醫魏文侯問曰子兄弟三
人孰最善對曰長兄視色故名不出家仲兄視
毫毛故名不出門鵲鍼人血脉投人毒藥故名
聞諸侯骨體史記云扁鵲見齊桓侯曰君有疾
在腠理不治將深桓侯曰寡人無疾後五日復
見曰君有疾在血脉不治將深後五日復見曰
君有疾在腸胃間不治將深後五日望見桓侯

退走曰疾居腠理湯熨之所及也在血脉鍼石之所及也在腸胃酒醪之所及也其在骨髓雖司命無柰之何今在骨髓臣是以無請也後五日桓侯病召扁鵲扁鵲已逃去桓侯遂死

不洽

扁鵲云病有六不治一驕恣不論於理二輕身重財三衣食不能四陰陽并藏氣不定五形羸不能六信巫不信醫皆不治也扁鵲過邯鄲聞貴婦人即為帶下醫過雒陽聞周人愛老人即為耳聾痺醫入咸陽聞秦人愛小兒即為小兒

醫秦太醫令李醯自知技不及扁鵲使人刺殺之。**金匱**神仙傳云葛洪自號抱朴子抄金匱藥方百卷肘後要急方摠四卷。**却離**漢書云高祖疾甚呂后迎良醫醫入見上問曰疾可治否曰可治上嫚罵之曰吾命乃在天雖扁鵲何益遂不使治。**四難**後漢書云郭玉廣漢人初有老父漁釣于涪水自號涪翁著針經診脉法授弟子程高高傳於王學方診六微之技陰陽不測之術和帝時為太醫丞仁愛不矜雖貧賤必盡其

心力療貴人時或不愈帝令貴人羸服變處一針即瘥召王詰狀王曰醫言意也腠理至微隨氣用巧神存心手之間可得解而不可得言貴者處尊高以臨臣臣懷怖懾以承之其療有四難自用意而不任臣一難也將身不謹二難也骨節不能使藥三難也好逸惡勞四難也臣意猶且不盡何有於病哉此所以不愈也

焚書後

漢書云華佗廣陵太守陳登得病佗脉之曰胃中有虫欲成内疽食腥物所致作湯二升服之

吐虫三升赤頭皆動半身猶是生魚膾佗為人
性惡難得意耻以醫名曹操苦頭風召佗日在
左右後求歸取方因妻疾數日失期操累書呼
之猶不肯至操大怒殺之佗臨死出書一卷與
獄吏曰此可以活人吏畏法不敢受佗索火焚
之

守價

後漢書云韓康字伯休霸陵人采藥名

山賣於長安市口不二價三十餘年時有女子

從康買藥康守價不移女子怒曰公是韓伯休

邪乃不二價乎康歎曰我本欲避名今小女子

皆知我何用藥為遁入山中

刮骨

蜀志云關羽

為流矢貫臂每陰雨常疼痛醫曰矢鏃有毒當

破臂刮骨去毒乃可除之也

迎醫

晉書云陶侃

為張遼主簿遼妻有疾將迎醫於數百里時正

寒雪諸綱紀皆難之侃獨曰資於事父以事君

小君猶母也安有父母之疾而不盡心乎乃請

行衆皆服其義

饋藥

晉書云羊祜與吳將陸抗

對壘使命交通抗常病祜饋之藥抗飲之無疑

心人有諫抗抗曰安有酖人羊叔子哉時以為

華元子及復見於今**無書**唐書云許胤宗善醫
或勸其著書荅曰醫者意也思慮精則得之吾
意所解口不能宣也古之上醫病與脉俱惟用
一物攻之今人以情度病多其物以幸有功譬
獵不知兔廣絳原野與一人之獲術亦疎矣脉
之妙處不可傳虎著方劑終無益也**料劑**唐書
云李逢吉父頰有疽病逢吉自料醫劑遂通方
書**不藥**唐史云孔緯病家人詔醫視緯曰天下
方亂可久求生不肯服藥卒**服藥**金鑒記曰劉

無名常於庚申日守三尸食雄黃後見一鬼使
曰我泰山直符來攝君見君頂上黃光數尺不
可近得非雄黃之功乎因曰一金一石謂之丹
君服其石更餌其金則黑籍落名青華定籙劉
後遇青華真人授以丹訣以鉛為君以汞為臣
八石為使黃牙為田焚券柳宗元云宋清長安
西都藥市人也居善藥有自山澤來者必歸宋
清氏清優主之長安醫工得清藥輔其方輒易
藥咸譽清疾病瘡瘍者亦皆樂就清求藥莫不

已清皆樂然響應雖不待錢者皆與善藥積券
如山未嘗請取直或不識遙與券清不為辭歲
終度不能報輒焚券終不復言市人以其異皆
笑之曰清蚩蚩人也或曰清其有道者歟**藥應**
語林云蘇澄善醫常曰古無方吾檢本草集天
下藥物試將讀之每發一聲腹中輒應唯至一
藥再三無聲澄因處方以此藥為主其疾自除
知脉王符云凡療病者必知脉之虛實然後為
之方故疾可愈而壽可長也**鴻術**郭璞賦序云

巫咸以鴻術為帝堯之醫

養生

嵇康云神農曰

上藥養命中藥養性者誠知性命之理因輔養以通也而世人不察惟五穀是見聲色是耽目眩玄黃耳務淫哇滋味煎其府藏醴醪鬻其腸胃香芳腐其骨髓喜怒悖其正氣思慮消其精神哀樂碎其平粹夫以藪爾之軀而攻者非一塗易竭之身而內外受敵身非木石其能久乎

醫良

韓昌黎云玉札丹砂赤箭青芝牛溲馬溱

敗鼓之皮俱收並蓄待用無遺者醫師之良也

腰鐮

王績云野情貪藥餌郊居倦蓬華青龍
道符白犬遊山術腰鐮戊巳月負鉞庚辛日時
斷障遮徃徃孫峯出行披葛洪注坐檢羲黃
帙龜蛇採二苓赤白尋雙木地凍根難盡藥枯
苗易失從容肉作名藟藟膏成質家釀松葉酒
器貯參花蜜且復歸去來刀圭輔衰疾

卜

作筮

古史考云庖犧氏作始有筮又禹穴碑云
伏羲得神蓍而定皇策

龜策

禮記云龜為卜筮

為筮先王所以使民信時日敬鬼神畏法令也

所以使民決嫌疑定猶豫也尚占易云以卜筮

者尚其占稽疑書云明用稽疑擇建立卜筮人

四兆周禮云春官卜師掌三《三》龜之四兆一曰方

兆二曰功兆三曰義兆四曰弓兆法象史記云

卜法天地象四時鼎契周禮云董氏掌供燠契

以侍卜事不告易云初筮告再三瀆瀆則不告

司恠元命包云古司恠主卜握粟詩云握粟出

卜其何能穀既歌詩云我龜既歌不我告猶協

從書云惟先蔽志昆命於元龜龜筮協從卜不

習吉

大同

書云三人占則從二人之言汝則有

大疑謀及卜筮龜從筮從是之謂大同吉

瓦卜

南部新書云西京壽安縣有墨石山神祠頗靈

神龍中前有两瓦子過客投之以卜休咎仰為

吉覆為凶

錢卜

事始云京房卜易卦以錢擲以

甲子起卦

從長

左傳云晉獻公欲以驪姬為夫

人卜之不吉筮之吉公曰從筮筮短龜長不如

從長

軍欺

左傳云秦伯伐晉卜從父筮之吉涉

河晉侯軍敗詰之對曰乃大吉也三敗必獲晉
君果如其言**乘舟**衡坡傳云孔子使子貢徃外
而未來謂弟子占之遇鼎皆言無下足不來顏
子掩口而笑曰無足者乘舟而來賜至矣清朝
子貢果舟至**決疑**左傳云閭廡卜以決疑不疑
何卜之有又離騷云屈原徃見大卜鄭詹尹曰
余有所疑願因先生決之**非正**家語云孔子嘗
自著而卦得賁愀然有不平之狀子張進曰賁
是吉卦夫子色有不平何也孔子曰山下有大

賁非正色也

賁小

史記云司馬季主楚人賣卜

於長安市宋忠賈誼謂之曰何居之卑行之汚

季主捧腹而大笑

大橫

史記云高后崩丞相陳

平等使人迎代王王計未定遂卜之龜兆得大

橫庚庚余為天王夏啓以光

惠衆

史記云漢嚴

君平卜筮於成都市以為卜筮賤業而以惠衆

人有邪惡非正之問則依龜筮為言與人子言

依於孝與人弟言依於順與人臣言依於忠各

因勢導之以善從吾言已過半矣日裁閱數人

得百錢足自養則閉戶下簾而授老子

懸綬漢

書云王宗以賣卜自奉安帝以博士徵耻占驗

見知懸綬縣庭而逃

崇

晉書云淳于智能易

筮譙人夏侯藻母病詣智卜忽有一狐當門向

之嗥怖藻馳見智智曰君速歸在狐嗥處拊心

啼哭令家人驚恠大小畢出一人不出哭勿止

藻如其言母亦扶病出堂屋五間拉然崩

焚囊

晉書云郭公者客居東都精於卜筮郭璞從之

受業公以青囊中書九卷與之門人趙載嘗竊

青囊書為火所焚書版晉書云隗炤善易臨終
書版授其妻子曰後雖大荒勿賣宅後五年當
有詔使來此亭姓龔負吾金以吾所遺書版索
之至期妻齎版詣使者使者惘然沉吟乃悟取
著筮卦成曰妙哉隗生吾不負金賢夫藏金以
待太平知吾善易書版寄意金有五百斤盛以
青甕裡在堂屋下去壁一丈入地九尺妻掘之
果得金忌月晉書云穆帝納后欲用九月是忌
月范汪問王彪之荅曰禮無忌月不敢以所不

見便謂無之博士曹耽荀訥等並謂無忌月之
文不應有妨王合曰若有忌月當復有忌歲

破

宛

管輅傳云有人失妾令輅卜之令明旦於東

陽城門候擔豚人牽與共聞其豚走逸共追之
豚入舍突破主人甕其婦從甕出

投龜

唐書云

秦王將討隱巢使卜人占之張公謹自外至投
龜於地曰卜以定猶豫今事無可疑何卜之為

十疋

酉陽雜俎云天寶末處士錢知微嘗至洛

遂榜天津橋柱賣卜卦帛十疋有貴公子讀榜

命取帛如數卜焉錢命著布卦曰子筮可期一
生君何戲為其人曰卜事甚切先生誤乎錢云
請為韻語曰兩頭點土中心虛懸足人踏足不
肯下錢其人大意買天津橋也其精如此**折衷**
唐史云杜生善易人有亡奴問所從曰自此行
逢使者懇丐其鞭若不可則以情告其人果值
使者如其告之使者曰去鞭吾無以進馬可折
道傍夔代之乃往折毀奴伏其下獲之**著立舊**
史云明皇兼潞州別駕來朝京師將行使術士

韓禮筮之著一莖牙然獨立禮驚曰著立奇瑞
非常不可言**卦纂**東軒筆錄云自至和嘉祐已
來費孝先以術名天下士大夫無不作卦影而
隱者甚多獨王平甫不喜之嘗謂人曰占卜令
欲前知而卦影驗於事後何足問耶**小流**北戶
錄云卜之流雜見書傳虎卜紫姑卜牛蹄卜灼
骨卜烏卜雖不比於著龜亦有可稱者異苑曰
世有紫女為人妾大婦嫉之每役以穢事正月
十五日感激而死故世人以其日作其形夜於

厠間或猪欄迎之

王什

太史公云臣為卽時嘗

與太待詔為卽者同署言曰武帝時聚會占家
問之某日可娶婦者乎五行家曰可堪輿家曰
不可建除家曰大吉叢辰家曰大凶曆家曰小
凶天人家曰小吉太一家曰大吉辨訟家不決
以狀聞制曰避諸無忌以五行為主人取於五
行者也

精誠

陸龜蒙云季禮以樂卜趙孟以詩

卜襄仲歸父以言卜子游子夏以威儀卜沈尹
氏以政卜孔成子以禮卜其應也如響無他圖

在精誠而已不精誠者不惟自卜况吉凶他人
乎**不疑**李華云天地之大德曰生舜好生之德
洽於人心五福首乎壽麟鳳龜龍謂之四靈龜
不傷物呼吸元和於介虫為長而壽古之聖者
剝而腴之觀其裂畫以定吉凶殘其半勦其壽
既勦殘之而求其靈夫何故邪大人與天地合
其德與日月合其明與四時合其序與鬼神合
其吉凶不當妄也壽而天之豈合其德乎凶物
求微豈合其明乎毒靈介而微其神豈合其序

乎假枯槁而決狐疑豈合其吉凶乎洪範曰爾有大疑謀及卜筮聖人不當有疑於人以筮也

談命

天賦

劉蕡云所謂命者死生焉貴賤貧富焉治

亂焉禍福焉此十者天之所賦也

知命

易云樂

天知命故不憂又孔子云不知命無以為君子

也

俟命中庸云君子居易以俟命

聽命

禮記云

得之自是不得自是以聽天命

三畏

論語云君

子有三畏畏天命畏大人畏聖人之言小人

知天命而不畏也

有命

子夏云死生有命富貴

在天

立命

孟子云天壽不貳脩身以俟之所以

立命也

定命

左傳云民受天地之中以生所謂

命也是以有動作威儀之則以定命也能者養

以取福不能者敗以取禍

窮通

劉孝標云士之

窮通無非命

聖賢

杜甫云自古聖賢多薄命

罕

言

論語云子罕言利與命與仁

不容

史記云孔

子圍於陳蔡子貢曰夫子之道至大故天下莫

能容盍少貶焉孔子曰良農能稼而不能為穡

良工能巧而不能為順君子能修其道而不能
為容顏回曰夫子之道至大故天下莫能容雖
然不容何病不容然後見君子**不逢**漢書云李
廣文帝時為散騎常侍數從射獵格殺猛獸帝
曰惜李廣不逢時今當高祖世萬戶侯豈足道
哉**道死**漢書云武帝自為太子時聞枚乘名及
即位乘已年老乃以安車蒲輪徵乘道死**留侯**
漢書云竇廣國家貧為人所掠賣為主入山作
炭時寒卧岸下百餘人岸崩盡壓殺獨少君得

脫卜曰當侯及寶后立果封侯**福**齊書云文惠太子惡西昌侯鸞嘗曰我意中殊不善此人當由其福薄也**寒**則定命錄云魏元忠有善相者謂曰公當位極人臣然命多寒則時有憂懼不足為虞但可當事便行聞言則應元忠累遭譴責憶相者之言未嘗少屈其志**為僧**古今詩話云賈島不第乃為僧改號無木居法乾寺與無可唱和一日宣宗微行至寺聞鐘樓上有吟聲遂登樓於島接上取詩卷覽之島不識乃攘

臂睨之遂於手內取詩卷曰卽君何會此耶宣
宗下樓而去既而島知之亟謝罪乃賜御禮除
遂州長江簿後遷普州句介卒**放還**唐書云王
維私邀孟浩然入內署俄而玄宗至浩然匿林
下維以實對帝曰朕聞其人而未見也詔浩然
自誦所作至不才明王棄之句帝曰卿自不求
仕朕未嘗棄卿柰何誣我因放還**不失**韓退之
云李虛中最深於五行以人之始生年月日所
直日辰支干相生絕衰死旺相斟酌推人壽夭

貴賤利不利輒先處其年時百不失一

心肯翰

府名談云唐莊宗時禁旅王慶乞叙功賞曰侍
從濟河日臣係第一隊入汴臣屬前鋒乞遷補
莊宗頷之他日又言亦不納後每有言者莊宗
曰知慶薄有功但每見慶則心憤然安得更
賜與之意因舉唐太宗詩曰待余心肯日是汝
命通時夫主天下生靈賞罰之柄而所言若此
則進退誠有命也**唐**錫古今詩話云退之三星
行云我生之辰日宿南斗牛奮其角箕張其口

牛不見服箱斗不挹酒漿箕獨有神靈無時停
簸揚東坡自謂生時興退之相似蓋命官在斗
牛磨蝎而身官亦在焉故其贈術士謝正臣詩
云生時宿直斗牛箕**碎碑**冷齋詩話云范文正
守饒州有書生甚貧時盛行歐陽率更書薦福
寺碑墨本值千錢為具紙墨打千本使售于京
師紙墨已具一夕雷擊碎其碑時語曰有客打
碑求薦福無人騎鶴上揚州東坡作窮措人詩
曰一夕雷轟薦福碑韓魏公客有郭注者行年

五十未有室家公以侍兒與之未及門而泯死
曆學 湘山野錄云王處訥通星曆之學太宗時
贊寧僧撰史十卷充史館編修壽八十四處訥
推其命孤薄三命禽畧六壬遁甲俱無壽貴之
處謂寧曰師在時正得天貴星臨門必有列土
侯王在戶否寧曰毋長謂某生時方卧草錢文
穆王元璫往臨安縣拜塋至門雨作避於茅簷
甚久浣沐檢籍徘徊方去**偶中**却掃編云熙寧
元豐間僧化成以命術聞京師蔡元長兄弟始

赴省試同往訪焉語以年月率爾語元長曰此武官大使臣命也他時衣食不闕而已餘不可望語元度曰此命甚貴今歲便當登第十餘年間為侍從又十年為執政然決不為相既退元長大病其言旬日復由僧不復記再以年月語之率爾而對悉如前兄弟相顧大驚是年月遂同登科自是相繼貴顯於元長則大謬而元度終身無一語之差以此知世所謂命者類不可信其有合者皆偶中耳

三合歸田錄云章得象

曰人生富貴莫不有命但生年月日時有三合者不為宰相亦為樞副張方平宋子京退而召術者泛以朝士命推之唯得梁造呂公弼命皆三合皇祐間果為相熙寧中呂為樞密使稽天文中子云薛攸曰何為命也子曰稽之於天合之於人吉凶曲折無所逃乎非君子莫能知之

賭命

李白云丈夫賭命報天子當斬胡頭衣錦

還命

李翱云或曰貴與富在我而已以智求

則得也何命之為或曰不然求之有不得不求

有得之者皆命也人事何為二子出或問曰二者之言其孰是也對曰是皆陷人於不善之言也以智而求之者盜耕人之田者也皆以為命者弗耕而望收者也吾無取焉爾循其方由其道雖祿之千乘之富舉而立諸侯大夫之上受而不亂非曰貪也私於己者寡而利於天下者多故不亂也何命之有焉如取之不循其道雖一飲之細也猶不可受况富貴之大耶非廉也利於人者鮮而賊於道者多故弗為也何智之

有焉然則君子之術其亦可知也

說相

心相

青箱雜記云相形不如相心心相有三十

六善不近小人不妄忘故舊不念舊惡長行陰
德之類三十六善全有位極人臣諺曰有心無
相相逐心生有相無心相隨心滅**論心**韓愈云
昔之聖者其首有若牛者其形有若蛇者其喙
有若鳥者其貌有若**蒙**者彼皆貌似而心不
同焉可謂之非人耶即有平脇曼膚頰如渥丹

美而狼者貌則人矣其心則禽獸又鳥可謂之人耶則觀人貌之是非不若論其心與其行事之為不失也

聖人

孔叢子云仲尼聖人之表河

目隆額是帝王之貌又史記姑布子卿相孔子其顙似堯其項類臯陶其肩類子產然自腰以下不及禹三寸身長九尺六寸累累若喪家之

狗

節

淮南子云龍犀日角帝王之表

公侯

淮

南子云河目龜文公侯之相

鳥喙

史記云臯陶

鳥喙又淮南子云勾踐長頸鳥喙

豐下

左傳云

王使內史叔服來會葬公孫敖聞其能相人也
見其二子焉叔服曰穀也食子難也收子穀也
豈下必有後於魯國**豺聲**左傳云叔向欲娶於
申公巫臣氏其母欲娶其黨叔向曰吾母多而
廢鮮吾懲舅氏矣其母曰子靈之妻殺三夫一
君一子而亡一國兩卿矣可無懲乎向懼不敢
娶平公強使娶之生伯石伯石始生子谷之母
走謁諸姑曰長叔姒生男姑視之及堂聞其聲
而還曰是豺狼之聲也狼子野心非是莫喪羊

舌氏矣遂弗視**虎狀**左傳云楚**馬**子良生子
越椒子文曰必殺之是子也熊虎之狀而豺狼
之聲弗殺必滅若敖氏矣子良不可子文以爲
大惑將死且泣曰鬼猶求食若敖氏之鬼不其
餒乎秋七月楚子與若敖氏戰于臯澍遂滅若
敖氏**天受**史記云姑布子卿善相見無恤曰真
將軍也趙簡子曰是子其母賤翟婢也奚足貴
哉子卿曰天之所受雖賤必貴**知壽**史記云蔡
澤從唐舉相曰先生相李兌百日内乘國有諸

曰有之澤曰若臣何如唐舉熟視而笑曰聖人不相殆先生乎澤知舉戲之乃曰富貴吾自有不知者壽舉曰先生壽從今自往四十三年貴

相

漢書云單父人呂公善沛公避仇從之因家

焉呂公謂高祖曰君相貴不可言臣相人多矣

無如季相願季自愛臣有息女願爲箕箒妾即

呂后**當刑**

漢書云黥布姓英氏少時客相之曰

當刑而王及壯坐法布欣然笑曰人相我當刑

而王幾是乎

反相

漢書云吳王濞高祖兄仲之

子也高祖立潁爲吳王召潁相之曰若有反相
因拊其背曰漢後五十年東南有亂豈若耶然
天下同進一家誼無反潁曰不敢**餓死**漢書云
周亞夫爲河內守許負相之曰君後三歲而侯
八歲爲將相秉國九年而餓死亞夫笑曰旣已
貴如負言又何說餓死負指其口曰縱理入口
此餓死法也**寄死**漢書云文帝使善相者相鄧
通曰富貧餓死上曰能富通者在我於是賜蜀
嚴道銅山得自鑄錢景帝即位人有告通盜出

徼外鑄錢竟案驗沒入之寄死野人家**不侯**漢書云李廣與望氣王朔語曰自漢征匈奴廣未嘗不在其中而諸校尉才能不及中庸以軍功取封侯者數十人廣不爲後人然終無尺寸功以得封邑者何也豈吾相不當侯耶**人奴**漢書云衛青少爲平陽侯家人青嘗從人至甘泉居屋有一鉗徒相青曰貴人也官至封侯青笑曰人奴之生得無笞罵足矣安得封侯後爲大將軍封長平侯**婦貴**漢書云黃霸少爲潁徼與善

相者共載出見一婦人相者言此婦人當富貴
不然相書不可用也霸推問之乃鄉里巫家女
霸即取爲妻與之終身霸至丞相封侯燕額漢
書云班超行詣相者曰當封侯萬里之外超問
其狀相者曰生燕額虎頭飛而食肉此萬里侯
相也撲鏡蜀志云張裕曉相術每舉鏡視面目
知刑死未嘗不撲之於地後爲劉備所殺蜂目
晉書云潘滔相王敞曰處仲蜂目已露且豺聲
未振若不噬人亦當爲人所噬後爲江州牧起

兵內向後敗

綠眉

九國志云吳殷文圭舉進士

塗中遇一叟目文圭久之謂人曰向者一人眉

綠拳必入口神仙狀也如學道當冲虛爾若不

然當有大名於天下而文圭拳實入口乾寧中

擢第

赤脉

晉書云歷陽陳訓相干卓曰頭低視

仰相名眇刀目中赤脉舟外入必兵死後果爲

王敦所殺

英物

晉陽云桓溫生未期溫嶠見之

曰此兒有奇骨可以試使啼及聞其聲曰真英

物也父以其爲嶠所賞故名曰溫

不壽

史記云

管輅言吾額上無生骨眼中無守精鼻無梁柱
脚無天根背無三甲腹無三壬皆不壽之相**尼**
水魏書云鍾繇嘗與族父瑜至洛陽道遇相者
曰此童有貴相然當厄於水行未十里度橋馬
驚墮水幾死瑜以相者言中益貴繇而供給資
費使得專學**胞紫**南史云王敬則母爲女巫常
謂人曰敬則生時胞衣紫色應得鳴鼓角人笑
曰汝子得爲人吹角可矣及長而兩腋下生乳
各長數寸夢騎五色獅子後果然**眇貴**梁史云

章昭達少遇相者曰卿貌甚善洎小顴則當富貴後昭達因醉墮馬鬚角少傷昭達喜之相者曰未也侯景之亂昭達中流矢眇一目相者見之曰卿相善矣不久當富貴昭達官至司空

表唐書云太宗四歲有書生見之曰龍鳳之姿

天日之表年幾壯必能濟世安民**相友**唐書云

王珪始隱時與房杜善母李曰兒必貴然未知所與游者何如人試與偕來會充齡等過其家李窺太驚喜曰二客公輔才汝貴不疑

諡唐

史云岑文本謂馬周爲肩火色騰上必速恐不能久四十八歲卒**珠庭**唐書云李珣舉明經李絳曰日角珠庭非庸人相明經碌碌非子所宜**怒時**唐史云張憬藏相魏元忠久不答元忠怒曰窮通有命何預君耶拂衣去憬藏遽起曰君之相在怒時位必卿相也**懶殘**耳澤謠云衡岳寺有僧執後性懶而食殘號懶殘李泌異之一日往見正撥火煨芋啖之取其半授泌曰勿多言領取十年宰相**龍瞳**唐書云袁天綱見武后

毋曰夫人法生貴子后幼姘抱以見給以男天
網視其步與目驚曰龍瞳鳳頸若爲男當作天
子**藍面**唐書云盧杞體甚醜鬼貌藍色不耻惡
衣非食**龜息**芝田錄云袁天綱相竇執伏犀貫
玉枕當於益州立功名果然又相李嶠曰睡則
氣從耳出名龜息必貴**相骨**太平廣記云唐貞
元末相骨山人以無目故逢人即手捫之必知
貴賤房次卿方勇於趨進率先訪之及出戶時
後謁者益巷覩次卿已出迎問之曰如何荅曰

不足言不足言且道箇杜長秀才位極人臣

必更言或有退者後杜循果帶相印鎮西蜀

五

杜唐書云隋文帝楊堅龍額上有五柱入頂有

文在手曰王字長上短下相者來私謂帝曰公

當爲天子

多蹇

定命錄云魏元忠有善相者謂

曰公當極人臣然命多蹇剝時有憂懼不足爲

虞但可當事便行聞言則應元忠累遭譴責憶

相者之言未嘗少屈其志

三無

金華記云李寬

爲常侍有門下盧生善相或問李公如何曰據

其面部所無者三無子無宅無塚公有數子皆
先公卒有宅未嘗還鄉居死於池州乘舟歸舟
破沉其骨陰德撫言云裴度質狀眇小相者曰
即君不貴即當餓死一日遊香山寺有婦人以
父被罪假得玉帶犀帶一二以賂津要留於欄
楯忘收之而去度得而還之後凡相者曰必有
陰德及物前程萬里非某所知也度果位極人
臣面長五代史云桑維翰爲人醜怪身短而面
長常臨鏡自寄曰七尺之身不如一尺之面後

至相

廨後

宋史云太宗召陳搏詣南衙見真宗

及門亟還問其故曰王門廨後皆將相也何必

見王建儲之議遂定

耳白

仇池筆記云歐陽公

曰少時有僧相我耳白於面名滿天下唇不貼

齒無事得謗其言頗驗

視日

百家詩話云陳瑩

中嘗入朝已立班上御朝差晚杲日照耀蔡京

注目視日久不瞬瑩中私謂同省曰此公視日

不瞬真大貴人也

相類

南唐書云宋齊丘微時

日者相之曰君貴不可言然亞夫下獄君相類

之位極之日當早引退庶幾保全齊丘登相位
數載致仕復以司徒就徵未幾坐陳覺謀干紀
事乃賜死**非相**荀况云相古之人無有也學者
不道也古者有姑布子卿今之世梁有唐舉相
人之形狀顏色而知其吉凶妖祥世俗稱之古
之人無有也學者不道也故相形不如論心論
心不如擇術形不勝心心不勝術術正而心順
之則形相雖惡而心術善無害爲君子也形相
雖善而心術惡無害爲小人也君子之謂吉小

人之謂齒故長短小大善惡形相非吉凶也古
之人無有也學者不道也

類傳卷第十三 終

類集卷第十四

勾吳虛舟鄭若

山東按察司副使古虞百樓鍾穀

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器

同閱

臨清州知州古完呂珩校正

太學生汪琪校梓

身體類

頭

釋名

說文云首者頭也

獨高

處體獨高也

精明

素明云頭者精明之主也

螭首

毛詩云螭首蛾

眉

乾為

易乾為首

元首

書云元首明哉

象天

元

命苞云上圓象天

君乘

禮云君乘火而王其民

銳頭君乘水而王其民大頭

容直

蛇頭

神農蛇首

伏義

人頭

長頭

湯長頭而髡髻

其元

勇士不忘喪其元

頭方

命薄

飲器

趙

襄子漆智伯頭為飲器

賈逵

曰賈長頭

斬

頭

頭

嚴顏城陷飛命左右斬頭顏曰斬頭便斬頭

何必怒耶飛壯而釋之引爲上客**懸頭**孫敬好
學晨夕不休及至眠睡疲寢以繩繫頭懸屋梁
黑頭王珣與謝玄俱被辟桓溫曰王掾當作黑
頭公**縮頭**世說云祖廣仕至護軍長史廣行常
縮頭詣桓南郡始下車桓曰天甚晴明祖參軍
如從屋漏中來**筆公**後魏古弼爲尚書令太武
常名之曰筆頭時人呼曰筆公**長頭**漢書云陳
遵長八尺余長頭大鼻容貌甚偉**小頭**嚴尤三
將敘曰趙孝成王曰諸能當武安君平原君曰

澠池之會臣察武安君小頭而銳瞳子白黑分明視瞻不轉小頭而銳斷敢行也**頭目**東觀漢記云彭寵與吳漢圍隗囂於西城敕彭書曰兩城將兵南擊蜀虜人若不知足既平隴重望蜀每一發頭鬢爲白**扁頭**魏志云辰韓國兒生以石押其頭欲其扁扁今辰韓人皆扁頭**頭飛**搜神記云南方有落民吳持將軍朱桓一婢每夜卧後頭輒飛去或從狗竇或從天窗中出入以耳爲翼將曉復還數數如此傍人恠之夜視唯

有身無頭其體微冷乃蒙之以被至曉頭還
被不得安再參墮地而其體氣急疾若將死者
乃去被頭復起附得安復暝如常人**斷頭**神仙
傳云曹公捕左慈數日得之便斷頭以白曹公
公大喜曰果慈頭定視是一束茅耳**傷頭**洞林
云郭璞爲左尉周公卜云君且墮馬傷頭尉後
乘馬行黃昏坂下犢車觸馬馬驚頭打右上流
血殆死**堅頭**秦記云符堅祖洪見堅狀貌欲令
頭堅復軟守之曰堅頭**雪滿**杜詩云鬢髮還應

雪滿頭

白頭

孟郊云一生空哦詩不覺成白頭

面

及必

禮云爲人子者出必告及必面擁蔽又云

女子出門必擁蔽其面

面垢

事親三日具沐其

間面垢

牆面

不學牆面泣事惟煩

面垢

後漢應

舉行汝穎過袁賀門出半面不見賀二十年路

見識之

傅粉

何晏傅粉

凝脂

王右軍見杜弘理

而歎曰面如凝脂目如點漆此神仙中人也

凝

掩

國語云楚白公勝作亂劫惠王殺子西慙見

葉公子高以袂掩面而終

面

吳越春秋云吳

王夫差死羞見子胥以巾覆面今人謂之面衣

也

面

吳書云諸葛子瑜面如驢

面

子產云

人心不同其如面焉

面

陳夷行楊嗣復及夷

行對延英帝以其面相觴頗不悅

面

狄仁傑

送制獄歎曰皇天后土使仁傑爲此乎即以首

觴柱血流沫而

面

劉季述帝因少陽院崔胤

告難於朱全忠請以兵除君側全忠封胤書與

季述曰彼翻覆宜圖之季述以書責胤胤曰姦

人僞書從古有之必以爲罪請誅不及族季述
易之乃與盟胤謝全忠曰左軍與胤盟不相害
也然僕歸心於公并送一侍兒全忠得書悲曰
季述使我爲兩面人自是始離季述五代
桑維翰身短而面長常臨鏡以自竒曰人人七
尺之身不如一尺之面似夷楊再思張易之兄
司禮少卿同休請公卿宴其寺戲曰公面似高
麗麗婁師德其弟守代州辭之官教之耐事
弟曰人有唾面絮之而已師德曰反益人之怒

當使其自乾**黑子**柏良器父友玉與曰面黑子

似顏平原**黃面**賈餗會曲江故事尹自門步入

揖御史餗騎而入御史楊儉蘇特固爭餗曰黃

面兒敢爾**白面**五代劉鄩末帝遣使者監督其

軍鄩召諸將謀曰主上深居禁中與白面兒謀

必敗人事**幘障**李訓帝下詔暴訓注等罪李孝

本猶金帶以幘障面奔鄭**紫色**五代云漢高祖

面紫色**罕識**五代崔胤遭世亂寓居于滑臺不

游里巷者十餘年人罕識其面**青黑**又云羅弘

信狀貌奇怪面色青黑軍中異之**銀涪**方鎮編
年錢鏐鎮吳越胡嶽渡江盡工以貌奏歎曰面
有銀光奇士也即召見**象人**說文云面顏前也
從一目象人面也赭面慙赤也**不同**襄六云子
產云人心不同如其面焉吾其敢謂子面如吾
面乎**莫見**董仲舒下帷講誦或莫見其面**希見**
朱博廉儉不好酒色夜寢早起妻希見其面**擲**
面王衍嘗因宴集爲族人所怒舉標擲其面衍
初無言引王導共戴而去然心不能平在車中

覽鏡自照謂導曰爾看吾目光乃在牛背上矣

似驢

諸葛恪父瑾面長似驢孫權嘗使人牽一

驢入題其面曰諸葛子瑜恪跪請筆續其下曰

之驢舉坐歡笑乃以驢賜恪

厚顏

語林云王武

子與武帝圍碁王曰孫歸命何以好剥人面皮

皓曰見無禮於其君者則剥其皮賈充問皓曰

何以剥人面皮皓曰憎其顏之厚也

不洗

稽康

曰性復疎懶筋骸肉緩頭面常一月十五日不

洗不大悶癢不能洙也

白面

謝石少患面療之

莫愈乃自匿夜有物來舐其瘡隨差舐處甚白

世呼爲謝白面**疵面**趙孟補尚書郎令史善於

清談其面有疵黯諸事不決皆言當問疵面也

有汗世說云鍾毓鍾會少有令譽魏文帝見毓

面有汗曰卿面何以汗對曰戰戰栗栗汗出如

漿復問會卿何以不汗對曰戰戰栗栗汗不得

出**七星**桓溫姿貌甚偉面有七星**黑面**後魏廣

陵侯衍弟欽色黑人號爲黑面僕射**破面**齊東

昏即位多行殺戮沈昭畧與沈文季徐孝嗣同

召入省例賜藥酒徐孝嗣曰廢昏立明古今今
典宰相無才致有今日即以甌投孝嗣面曰便
作破面鬼**刺面**五代史補云梁武帝刑法志刳
身皆斬妻子補兵遇赦降死者黥面爲刳字劉
仁恭據廬龍悉取男子十五以上爲兵濕其面
曰定霸都士人濕其臂曰一心事主廬龍問里
爲空得衆計二十萬軍人刺面自仁恭始健兒
文面自梁太祖始**書面**後梁宋如周爲度支尚
書面狹長孝宣嘗戲之曰卿何謗法華經如周

踉蹌自陳不謗蔡太實知其肯笑謂之曰卿當
不謗餘經止應不信法華法華云聞經隨喜面
不狹長如周乃悟**知死**張裕曉相術每舉鏡照
面自知死形未嘗不撲之於地**大面**桑維翰字
國僑爲人醜怪身短而面長嘗臨鑑自竒曰七
尺之身不如一尺之面**識面**杜詩云李邕求識
面會面又云會面嗟顰黑

口

華池

尹氏內解云口爲華池

容

玉藻云口容

止謂不妄言也

不肆

祭義云惡言不出於口

出好

大禹謨云惟口出好與戎

自也

詩云好言自口

莠言自口

允

易說卦云允爲口

只容

禮記云

數誚無爲口容

掩其

又云負劍辟咷詔之則掩

口而對

咷

又云趙文子其言咷咷然如不出

諸口

曰

老子云五味令人口爽

言

左傳云

言出於余口入於爾耳

曰

公冶云禦人以口

給屢憎於人

利

陽貨云惡利口之覆邦家者

多

盡心云士憎茲多口

鑠金

鄒陽傳云衆口

鑠金

鑠金

盜跖云搖唇鼓舌擅生是非以迷天

下之主

大邑

孝經援神契云舜大口

大邑

又吳

錄云孫權生而方頤大口目有精光堅異之以

爲貴象

海口

孔子海口

擇言

孝經云口無擇言

方口

瀨卿記云老子方口又婁師德方口

防口

問語云周厲王得衛巫使監謗者以告則殺之

其謗鮮矣王喜召公曰是障之也防民之口甚

於防水水壅而潰傷人必多

緘口

家

語云孔子觀周人后稷之廟有金人三緘其口

而銘其背曰古之謹言人也

口裏

吳越春秋云

越勾踐入臣於吳太宰嚭命勾踐嘗吳王糞以驗其差否後病口臭范蠡令左右食苓草以亂其氣

口裏

公孫龍口祛而不合舌舉而不下

口裏

喋文帝詔張釋之爲上林令釋之曰絳侯周勃兩人言事曾不出口豈効此嗇夫喋喋利口捷給哉今以嗇夫口辯而超遷之臣恐天下風靡

噤口

鄧公見景帝云吳王發怒削地以誅錯爲

名其意非在錯也臣恐天下之士噤口不復言

雌黃

王衍善談老莊義理有所不安隨即便改

世號口中雌黃

口口

郝家賢爲太子通事舍人

后素御處俊因事誅之臨刑極罵乃死自是訖

後世刑人必先以木丸室口

口口

李林甫忌文

學之士或陽爲之善啗以甘言而陰陷之世謂

林甫口有蜜腹有劍

口口

突厥攻太原詔鄭元

鑄持節往勞數其背約突厥愧引還太宗賜書

曰知公口伐可汗

口口

宋之問天后朝求北門

學士不許作明河篇以見志則天見其詩謂崔

融曰非不知宋之問有奇才但恨有口過耳宋
終身慚憤注口過謂口臭也利曜劉晏傳四方
名士無不至其有口舌者率以利啗之使不得
有所訾短口吃曾共王餘爲人口吃難言韓非
韓非口吃不能道說而善著書相如司馬相如
口吃而善著書期期漢高帝欲廢太子大臣固
爭莫能止周昌廷爭之強上問其說昌爲人口
吃又盛怒曰臣口不能言然心知其不可陛下
欲廢太子臣期期不奉詔上欣然而笑即罷

集漢王擊魏豹問酈食其魏大將誰也曰栢直
王曰是口尚乳臭**機關**鬼谷子云口者機關也
所以開閉情意也**可食**又云口可以食言不可
以食**口禁**說苑云老子問疾於常樅先生無遺
教乎常樅乃張其口示老子曰舌存乎曰存豈
非以軟耶齒亡乎曰亡豈非以剛耶常樅曰天
下事盡矣**楊雄**楊雄曰吃不能劇談而好深湛
之思**劇談**西京雜記云惠莊謂朱雲論辯口吃
不能對指其胸曰口雖不能劇談而此中多有

少言

魏明帝口吃少言而沉毅好斷**文文**魏鄧

艾以口吃語稱艾艾晉文王戲之曰卿言艾艾

定是幾艾對曰鳳兮鳳兮故是一鳳耳**孔顗**宋

孔顗少骨鯁有風力口吃好讀書**李固**言

位宰相口吃接賓客頗審緩議論人主前乃更

詳辯**孫晏**南唐孫晏口吃不能道寒暄已而坐

定談辯風生聽者忘倦**王汾**倦游錄云王汾口

吃劉放嘲曰恐是昌家又疑非類不見雄名唯

聞艾氣以周昌韓非楊雄鄧艾皆吃也**史**應

史

劭漢官云侍中刀存年老口臭帝賜鷄舌香令
含之如**杜恕**體論云東修之業其上在於不
言其次莫如寡知也故諺曰使口如鼻至老不
失**壽**相書云欲知人多言舌當視其口如鳥
啄言語皆聚此多舌人也**容**相書雜要云口
大容乎亦如朱丹貴而且**壽****晉魏詠**之生
而免缺閭殷仲堪帳下有醫能療齋數斛米西
上投仲堪仲堪召醫視之曰可割而補之但須
百日進粥不得笑語詠之曰半生不語而有半

生亦當療之况百日耶處之別屋閉口不語惟
食薄粥其勵志如此**口燥**杜詩云唇焦口燥呼
不得**口箴**姚元宗口箴云無掉爾舌以速爾咎
無易爾言亦孔之醜敬之慎之可大可久敬之
伊何三命而走慎之伊何三緘其口**口識**晉傳
玄口誠云勿謂何有積怨致咎勿曰不傳伏流
成川蟻孔潰何流穴傾山**口銘**蕭子良口銘云
惟是慎慎乎語笑三緘是戒是重周廟戒之戒
之無厭誚

齒

瓠犀

碩人云齒如瓠犀

編貝

東方朔云臣齒如

編貝

齒決

禮云濡肉不齒決乾肉齒決

齧齒

齊

景公爲孺子牛而折其齒

見齒

高柴子羔執親

之喪泣血三年未嘗見齒

覆齒

魏齊答范雎拆

脅摺齒

夜生

晉書云成帝杜皇后少有殊色長

猶無齒有來婚者輒止及帝納采一夜盡生

溫

嶠

溫嶠先有齒疾援之中風而卒

華池

抱朴子

云或問里齒之道荅曰養以華池漱以濃液永

不動**見齒**閼宮云黃髮兒齒**壽賦**魯仲連罵賊

嚼齒穿齲**漱石**孫子荆年少時語王武子當枕

石漱流誤曰漱石枕流王曰流可枕石可漱乎

孫曰所以枕流欲洗其耳所以漱石欲勵其齒

梭拆謝鯤鄰家高氏女有美色鯤嘗挑之女投

梭拆其兩齒時人語曰任達不已幼與拆齒鯤

聞之傲然長嘯曰猶不廢我嘯歌**集韻**唐明皇

謂高力士云吾聞飲董無苦者奇士也乃取以

飲果三進頽然曰非佳酒也及寢頃視齒皆焦

飲果三進頽然曰非佳酒也及寢頃視齒皆焦

且鰲乃以鍼如意擊墮之取藥傳其齧良久復

生**三齧**則天春秋高左右不悟其衰俄而二齒

生詔改元壽長**四齧**止戈集云孔戣好術藝延

接方士多所傳授能口中現五色齒綠色光絢

一暖即改**齧碎**張巡每戰大呼嚼齒皆碎及召

子視之其齒存者不過三四**齧擊**溫庭筠無行

檢過淮南丐錢楊子院夜醉爲邏卒擊拆齒**齧**

三齧韓愈與崔羣書近者尤衰憊左車第二牙故

故動搖脫去日視昏花**病齧**迂叟病蠶齒呻吟

之聲達于四鄰有道士過之語之曰病來於
天天且取予之齒以食養骨之蟲而予拒之是
違天也夫天者予之所受命也若之何拒之迂
叟曰語以齒與蟲惛然而寐一夕而愈齒落杜
甫暮秋詩云齒落未是無心人齒落聽作窮途
哭刀截韓文贈劉師服云羨君齒牙牢且潔大
肉硬餅如刀截

舌

反舌

山海經云反舌國其人反舌又呂氏春秋

云善爲君者蠻夷及古殊俗異習皆服德厚也
尚在莊子云張儀嘗從楚相相疑張儀盜璧共
執儀掠笞數百不服釋之其妻曰讀書遊說安
得此辱乎張儀開口曰視吾舌尚在否妻曰在
也儀曰足矣**尚在**說苑云韓平子問叔向曰剛
與軟孰堅對曰臣年八十矣齒墮而舌尚在**吞**
吞荆軻之燕太子丹云田先生今無恙乎軻曰
光臨送軻之時言太子戒以國事恥以大夫而
不見信向軻吞舌而死矣**吞**平原君已定從

而歸至於趙曰毛先生以三寸之舌強於百萬
之師又蒯通謂韓信曰酈生一士伏軾掉三寸
舌下齊七十城又張良云良以三寸舌爲帝者
之師封萬戶侯此布衣之極於良足矣

龍語

漢

灌夫云杜門齟舌

龍語

英雄記云曹操與劉備

密言備泄之於袁紹紹知操有圖已之意操自
咋其舌流血以失言戒後世

龍語

晉殷仲堪自

云三日不讀道德論便覺舌本間強

龍語

拾遺

記云賈逵口誦經文以教人贈遺者積粟盈倉

或云買達非力耕所得誦經舌世所謂舌耕也

短舌

南郡王義宣舌短澁言宋書盧攜貌不揚

語又不正呼其名攜爲惠蓋短舌也

舌死

隋賀

若弼父敦臨刑呼弼謂曰吾以舌死汝不可不

思因引錐刺若弼舌戒以謹言

禁舌

柳渾傳云

宰相張延賞疾渾守正遣謂曰明公舊德第謹

言於朝則謂可久渾謝曰頭可斷而舌不可禁

吐舌

搜神記云永嘉中有天竺胡人能斷舌先

吐舌不賓客然後刀截血流覆地乃取置器中

傳示人取舌還含有頃如故**絳赤**相書云舌如絳赤者賢人也**及**軍相書雜要云吐舌及鼻三公之位**三瑞**梁簡文帝舌賦云王端所貴三寸著名微言傳平往記妙說表乎丹青曾談笑而軍却王言詠而瑞隆陸有千金之富周爲一說之功**舌論**晉張韓不用舌論云論者以爲心氣相駁因舌而言卷舌翕氣安得暢理余以留意於言不如留意於不言徙舌無之通心未有盡舌之必通心也**載翁**詩云載翁其舌翕如也**掉**

舌 劉巖夫與段校理書云掉長舌於公卿間
舌 唐夔州道士王法朗舌長呼字不正乃日誦
道德經後夢老君剪舌

唇

斤唇 孝經鈞金決云仲尼斤唇
唇厚 瀨卿記云
老子唇麓厚
唇吻 樊佃顧能弄唇吻實無才畧
補唇 方千爲人唇缺有司以爲不可與科名遂
隱居鑑湖後遇醫補唇年已老矣號曰補唇先
生又性好侮人常與李主簿同酌李目有翳千

改令譏曰朕中安障李復譏曰口唇開腭撫言
黑唇墩皇寶錄云王禁字孟曾卒有盜塚家見
禁與人樗蒲賜盜者飲出其夜告城門云孟曾
使人也發曾塚禁賜酒以黑其唇明日入城黑
唇者是也須臾賊至爲門吏所縛**沸唇**賈誼云
沸唇擾塞垣之下匈奴號也**膏唇**武平二上書
膏唇之五苟輪譏計**厚唇**杜于云微唇厚不稱
才名出瑣言**烏膏**五行志云元和末婦人施朱
粉惟以烏膏注唇狀似悲啼者**膠唇**唐孫樵逐

店文有司馬安者懷義益仁縛舌膠唇焦唇李
白云道長食盡苦口焦唇縫唇杜甫云觀公孫
大娘舞劍絳唇朱袖兩寂寞入唇杜甫詩云當
令美味入吾唇

鼻

心門養生經云鼻者心之門隆鼻淮南子云東
方之人隆鼻雙柱老子云鼻雙柱隆準漢高祖
準鼻也又王審知狀貌雄偉隆準方口飛龍常
璩蜀志云李雄美容貌相工相之曰此人鼻飛

龍虎

王廷湊醉寢于路有過其所者驚視之

曰吾見君鼻之息左若龍右若虎

黑氣

袁客師

嘗渡江叩舟而還左右請故舫中人鼻下氣皆

黑不可以濟

鼻仰

史記云蔡澤就唐舉相舉鼻

仰而頗富貴之相也

齧鼻

五代史王處直養子

曰都者執處直囚之西宅處直樵其

謂逆賊吾

何負爾然左右無兵遂齧其鼻都掣袖而走處

直遂見殺

拂漢

李昭德怙權丘愔上疏曰臣聞

其鼻息所衝上拂雲漢

環貫

南蠻有穿鼻種以

金環徑尺貫其鼻下垂過頤君長以絲係環人
牽乃行其次以二花頭金釘貫鼻下出**黃膠**從
容錄云賀知章忽鼻中出黃膠醫者謂飲酒之
過**望鼻**莊子云郢人堊其鼻端若燭翼使匠劉
之匠運斤成風堊盡而鼻不傷**指鼻**孟子云西
子蒙不潔則人皆掩鼻而過之**掩鼻**王澄在荆
州叱左右捧士人宗夬別駕郭舒屬色謂左右
曰使者遇醉汝輩何敢妄動以恚遣**指其鼻**多
其眉**如雷**韓文云唐道士劉師服倚牆睡鼻息

如雷鳴**易鼻**拾異志云徐郎中筠少夢神人携竹籃其中皆人鼻視徐曰形相不薄但鼻曲而小吾與汝易之劓去鼻擇一鼻安之神笑曰好一正郎鼻也徐鼻素不正自爾端直歷官正郎

眉

嫵媚

釋名云眉媚也有嫵媚也**虎眉**帝王記云

文王虎眉

八彩

秦秋元命苞云畫眉八彩**三彩**

烈士傳云于將子亦鼻眉廣三寸**巨眉**史云蔡

澤巨眉

畫眉

張敞爲婦畫眉人謂之京兆眉也

連眉

列仙傳云陽都女生而連眉以爲異後果

得仙道也

黛眉

東觀漢記云馬皇后謂施黛左

眉小缺補之如粟

赤眉

琅邪樊宗天鳳中起爲

盜王莽使平均公廉丹征之宗等欲戰恐其衆

與丹兵亂皆朱其眉以相識是謂赤眉賊

愁眉

桓帝時京師作愁眉細而曲折效梁冀家爲之

是日收冀婦憂而蹙眉

炙眉

鄧粲晉記云宋歡

常以酒狂王澄因叱左右拉歡郭舒厲色曰使

君醉左右莫動澄大怒曰別駕狂耶在我醉因

遣灸舒眉頭後事王敦諫敦敦呵曰人以卿癡
灸眉舊疾復發也舒曰沒黥朱雲豈癡乎澄時
爲荊州遂縱酒嬉戲攝提春秋元命苞云天有
攝提人有兩眉爲人表候陽立于二故眉長二
寸注曰攝提兩星頗曲人眉似之也作眉安樂
公主臨淄王誅韋庶人主方覽鏡作眉聞亂走
至右廷明門兵及斬其首眉余元德秀房琯每
見德秀嘆息曰見紫芝眉宇使人名利之心都

盡隆眉

五代王建隆眉

通眉

李賀通眉

秀眉

楊

元琰秀眉

覆目

毛若虛眉長覆目性殘鷺

過目

袁天綱帝在九成宮令視岑文本曰學堂瑩夷

眉過目故文章振天下

刻眉

崔氏性忌有婢刻

其眉

黃色

韓愈郾城晚飲城上赤雲呈勝氣眉

間黃色見歸期

不辨

五代郭崇韜莊宗思得高

棲避暑乃遣王允平營之宦官曰郭崇韜眉頭

不伸陛下雖欲有作豈可得乎

增妍

柳宗元乞

巧文齒牙饒利眉睫增妍

如聚

金臺云云朱此

眉分九聚相者告以大貴信之

開額

唐車服志

云文宗即位而禁高髻險粧去眉開額秀整汝

陽王璉眉宇秀整**毫眉**人年老必有毫眉秀出

者故謂毫眉**史錄**楚辭云蛾眉曼綠**孔眉**世家

云孔子眉十二彩**皓白**老子生而鬚眉皓白**中**

眉顏息射人中眉退白我無勇也吾志其目也

伸眉史云人言王玄謨欲反因馳啓自解帝知

其虛遣書慰撫之曰七十老公欲反何求耶聊

復爲笑想足以伸卿眉頭耳**八字**遁事云漢武

官人畫八字眉**愁眉**崔豹古今注云梁冀婦改

鴛翠眉爲愁眉**長眉**魏宮人好畫長眉今人多
作蛾眉**雙眉**劉禹錫詩云得色懸雙眉**顰眉**李
白云美人捲朱簾獨坐顰蛾眉**翠蛾**鄭雲叟云
翠蛾紅粉嬋娟始夕殺盡世人人不知**刷翠**李賀
云頭角硤硤眉刷翠

目

眇眇毛詩云美目眇眇**離**爲易說卦云離爲目
睥目毛詩云睥其目瞤其腹**一目**山海經云一
臂國爲人一目中其面而居**四目**春秋孔演圖

云蒼頡四目是謂並明**重明**又云舜重瞳子是
謂重明**三昧**孫卿子云堯舜三昧子**大目**孝經
援神契云伏羲大目**目盲**老子云五色令人目
盲**盲步**胡非子云目見百步之外而不能見其
皆**道存**莊子云溫伯雪過齊舍於魯仲尼見之
而不言子路問焉仲尼曰若夫人者目擊而道
存矣**昧目**又云孔子見老聃而語仁義老聃曰
夫播糠眯目則天地四方易位矣夫仁義翻然
乃憤吾心亂莫大焉**方瞳**老聃居山有父老五

人方瞳玉面握青筠杖具談天地五行之精

充

倉列子云亢倉者得老聃之道能以耳視而目

聽魯侯問之亢倉子曰傳者之妄也我能視聽

而不用耳目不能易耳目之用

伯夷

孟子云伯

夷目不視惡色

難觀

慎子云離樓之明察毫末

於百步之外下水尺不能見淺深非目不明其

勢難觀也

在足

尸子云使目在足下則不可以

視

眇視

楚辭云娛光眇視目增波

眇眇

又云帝

子降兮北渚目眇眇兮愁予

目成

又云蒲堂兮

美人怨獨與余兮目成清廬續博物志云楊雄
謂目瞳子曰清廬五步士視五步自喪從長者
上丘陵則必向長者所視視禮云將入戶視
必下奉又云入戶奉局視瞻無回戴目戴目
而視傾耳而聽貧餓者貿貿然來貿貿目不
明貌喪明子夏哭子喪明曾子弔之曰吾聞朋
友喪明則哭之曾子哭子夏亦哭曰天平予之
無罪也曾子怒曰商汝何無罪也喪爾親使人
未有聞焉喪爾子喪爾明爾何無罪與子夏投

其扶而拜之曰吾過矣吾過矣

左丘

司馬遷與

任安書云左丘明喪明厥有國語

不瞬

列子引

雖至曉其目不瞬

離象

目者離之象易離爲目

兩葉鵲冠子云兩葉蔽目不見太山

爛爛

裴楷

謂王戎之睛爛爛如巖下電

目禁

關播與盧杞

論事帝前播意不可避坐欲有所言犯目禁輒

止

目志

李林甫少選詔書出耀卿九齡以左右

丞相罷林甫嘻笑曰尚左右丞相邪目志而送

乃止觸柱朱延壽田頌之附朱全忠二人謀絕

行密行密憂甚給病目行觸柱**見星**武陵緒晚年
瞳有紫光晝能見星**鵬視**五代秦王從容爲
人輕雋而鵬視**眼語**韓建昭宗東遷建從至洛
昭宗舉酒屬太祖與建曰遷都之後國步小康
社稷安危繫卿兩人以何皇后舉觴建躡太祖
足乃陽醉去建出謂太祖曰天子與宮人眼語
幕下有兵伏聲恐公不免也太祖以故尤德之
環視羅洪信文珣死衆執願主吾軍者洪信輒
日神命我矣衆環視以爲宜遂立之**木睛**吳越

備史云周寶唐立武選以高上擊毬較其能否而黜陟之至有置鉄鈎于毬仗以相擊寶嘗與與此選爲鉄鈎所摘一目睛失寶取睛吞之復擊毬獲頭籌遂授涇原敕賜木睛以代之一日晨起漱木睛墜水棄之侍姬竊笑寶怒曰瞎漢何足笑遂殺之注木睛莫知何木置中無所礙視之如真睛矣**目容**玉藻云目容端**目**大學云十目所視其嚴乎**眸子**孟子云存乎人者莫良乎眸子眸子不能掩其惡胸中正則眸子瞭

馬胷中不正則眸子眊焉**龍視**荀子云目不

視而明**龍目**太公金匱云一目視則不明**目擊**

家語云目擊而道存**龍目**孫卿子曰厭目而視

者視一以爲兩也**龍目**孔叢子云夫子適周見

萇弘語劉文公曰吾觀仲尼有聖人之表其狀

河目而隆頤是黃帝之形貌也**懸珠**漢書云東

方朔上書臣朔目若懸珠齒如編貝**如畫**東觀

漢記云馬援眉目如畫**不便**魏丁儀曹公欲以

女妻之王官將曰儀目不便恐愛女不悅後儀

到與議論曰丁掾好士也即使兩目盲尚當與
女何況但眇**石稜**劉琰稱桓溫眼如紫石稜**白**
眼阮籍能爲青白眼見禮俗之士以白眼對之
由是禮俗之士疾之若讐**不暇**百家詩序云蔡
京嘗入朝已立班上御殿差晚杲日照耀衆莫
敢仰視京注目久而不瞬陳瑩中私謂同列曰
此公真大貴人也或曰公明知其貴胡不少貶
瑩中謂老杜詩曰射人先射馬擒賊先擒王此
人得志乃國家之大賊遂以急速公事謂對䟽

京悖逆十事 **洞微** 竹林七賢傳云王戎眸子洞
徹視日而眼明不虧 **淨光** 劉孝綽詠眼詩云含
嬌已合嬾難怨動還開欲知密中意淨光逐笑
迴 **目藏** 宋謝惠連目箴云氣之清明雙眸善識
唯道是視瞻被正直 **目銘** 齊竟陵王蕭子良眼
銘云惟正是視玄黃匪惑非禮不觀儀形是則
慎爾所覲無愆斯德

視

思明

論語云君子有九思視思明

禮

禮云凡

今令單子爲王宮伯而命事於會視不登帶言
不過步貌不導容而言不昭不導不恭不昭不
從無守氣矣**遠視**賈琮爲刺史升車褰帷遠視
廣聽糾察善惡百城震悚**四目**舜明四目而天
下治**目逆**宋華父督見孔父之妻於路目逆而
送之曰美而豔**竊視**金日磾見武帝美人滿側
目磾不竊視**忤視**馬融前授生徒後列歌妓盧
欽受業不忤視**視面**儀禮云與大人言始視面
中視抱注言書視面觀其顏色所傳言也不言

視上於面則傲下於帶則憂傾則姦傾謂旁則不正也。**淫視**又曰無淫視注正視也。**惟明**視遠惟明**作視**洪範云視曰明明作哲**爲昧**傳云目不別五色之章爲昧。**闕夫**又云以管闕天。**蔽明**冕而前旒所以蔽明。**鑒賢**視之明也。鑒於賢不在見於蚊睫。**視蠹**離畜云三年視蠹百步觀毫。**視下**單子曾韓子千戚視下而言徐叔向曰單子其死乎衣有襜褕領也帶有結會朝之儀視不過結褕之中所以導容貌以明之失則有闕

若不出立則視袷坐則視膝**安視**國君安視謂
止於袷**衡視**大夫衡視謂平視**思聰**君子九思
云聽思聰**側聽**禮云無側聽**四聰**舜達四聰而
治天下**司聰**杜簣飲工曰汝爲君耳將司聰不
聞樂是不聰也**知言**伯牙彈琴鍾期聽而知其
作謀聽曰聰聰作謀又洪範曰四曰聽**聾**
蕭子良耳銘云惟耳是聽仁愛是聞詳察巧言
難辨異羣無迷邪諂炫惑莫分**聾聵**杜詩云右
臂偏枯耳半聾

耳

坎爲

易云坎爲耳

三瀉

淮南子云禹耳三瀉是

謂大通興利除害決江疏河

洗耳

堯聘許由爲

九州長由聞之洗耳於潁水

枕流

王五子云流

非可枕孫子荆曰所以枕流欲洗其耳

無根

表

天剛見馬周曰君耳無根壽不長

提耳

詩云匪

面命之言提其耳

屬垣

詩云君子無易由言耳

屬于垣

塗耳

太古塗民耳目

耳聾

老子云五音

令人耳聾

兩聽

勸學文云耳不兩聽而聰

空來

樊氏相法云耳門不容麥百歲

耳順

論語云孔

子六十而耳順

不聽

孟子云伯夷耳不聽惡聲

不思

又云耳目之官不思而蔽於物物交物則

引之而已矣

附耳

史記云韓信曰齊反覆之國

不爲假王鎮之其勢不定漢王大怒張良陳平

躡漢王之足附耳語曰漢方不利寧能禁信王

乎因立之

垂肩

范曄後漢書云珠崖儋耳其渠

帥耳垂肩三寸

平

列仙傳云務光夏時人也

長七寸陽都女耳細而長衆皆言此天人也又

李君耳長七寸**見耳**蜀志云先王長七尺五寸
垂臂下膝顧目見其耳**聖耳**列士傳云燕丹使
田光往候荊軻值其醉唾其耳中軻覺曰此出
口入耳之言必大事也則往見光**傷耳**魏書云
荀攸年七八歲父衢曾醉誤傷攸耳而攸出入
避護不欲令衢見也其夙智如此**三**瀨卿記
云老子耳有三門**駭壽**樊氏相法云人耳困長
寸三壽而三十歲一寸壽百歲如豆生即死耳
門前有仙人杖四理一百歲三理八十二理六

十**牛聞**

晉殷仲堪父師嘗患耳聰聞床下蟻動

謂之牛聞

耳鳴

石勒在田中每聞犂鐸之聲歸

告其母母曰作勞耳鳴非不祥徵也

耳堅

王導

多疾每自憂陳訓曰耳堅必壽亦大貴

驢耳

汴

州節度李忠臣嘗因奏對德宗謂之曰卿耳甚

大貴人也忠臣對曰驢耳

三耳

太平廣記云交

州張審通嘗爲泰山府君所召令爲詞判錄申

天曹天曹允之府君悅與審通額上安一耳既

寤覺額瘰果生一耳尤聰後時號三耳秀才

四

裴冠萊公初生兩耳垂有肉環數歲乃合自疑
當爲異重聽黃霸爲郡許丞老聾督郵白欲逐
之霸曰許丞廉吏重聽何傷閉聞先主定蜀杜
微嘗稱聾閉門不出丞相亮領益州牧以微爲
主簿固辭之亮與書曰君但以德輔時耳不責
君軍事拜爲諫議大夫以從其志何聾梁蔡搏
爲吏部尚書女爲昭明太子妃武帝設大臣餅
帝頻呼姓名搏不答帝改換蔡尚書搏放筋執
笏而應帝曰卿向何聾對曰臣預爲右戚職在

納言陛下不應以名喚帝慙詐聾王笠不仕狎

狂詐聾每說話則畫字後隱嵩山隋文帝召不

起口動北齊杜臺卿爲尚書左丞省中以其耳

聾戲弄之辭不得理者至大罵臺卿見其口動

謂爲自陳令史又不曉諭訓對往往垂越塞耳

鶻冠字云兩豆塞耳不聞雷霆纏纏馬周岑文

本謂所親曰君論事會文切理無一言可損益

聽之纏纏令人忘倦纏纏朝野僉載云孟洪微

宣宗曰陛下何以不知有臣何不以文字召用

帝怒曰朕耳冷不知有卿**天地**幽怪錄云薛君
曹見二青衣駕赤犢出耳二童子曰兜玄國在
吾耳中一童子傾耳示君曹乃別有天地花卉
因捫耳投之至一都會城池樓堞窮極壞麗因
作思歸賦自童子耳中落**病壘**五代鄭珣在相
位既碌碌無所爲又病壘**自提**五代王峻云兗
州慕容彥超反迹已露若陛下出汜水則彥超
入京師陛下何以得之翟守素馳還具道峻言
是時太祖已下詔西辛聞峻語遽自提其耳曰

幾敗吾事乃止不行**達知**學云聽者所以達知也明者所以成行也所以致功名也不精不明不深不達故上學以神聽中學以心聽下學以耳聽耳聽者學在皮膚心聽者學在肌肉神聽者學在骨髓故聽之不深則知行不成凡聽之理虛心清靜耳無苟聽

心

匪石詩云我心匪石不可轉也又云我心匪石不可卷也**如結**又云心如結兮**搖搖**又云中心

搖搖又蘇秦傳云心搖搖然如懸旌而無所終
薄禮制書云以禮制心**曰休**作德心逸日休作
偽心勞日拙**曰心**書云剖賢人之心**欺心**盤庚
云今予其敷心腹腎腸歷告爾百姓于朕志**道**
心禹謨云人心惟危道心惟微惟精惟一允執
厥中**同心**易云二人同心其利斷金又武王曰
予有亂臣十人同心同德**非僻**禮云非僻之心
無自入也**難知**禮云凡人心險于山川難知于
天**火精**春秋元命苞云心者火之精成於五故

人心長五寸

劍承

晏子春秋云杼殺齊莊公以

戰鈎其頸以劍承其心

一

又云一心可以事

百君百心不可以事一君仲尼聞之曰小子記

之哉

禍心

左傳云包藏禍心

不競

傳云心則不

競何憚於病

又

富辰云心之不同如其面

焉

孔

叢子云孔子不見晏子曰晏子事三

君而得順焉是有三心所以不見也

正心

大學

云欲修其身者先正其心

心齋

顏淵云敢問心

齋仲尼曰惟道集虛虛者心齋又云顏子心齋

求放

孟子云學問之道求放心**則思**告子云心

之官則思

腹心

孟子云君之視臣如手足則臣

視君如腹心

盡心

又云盡其心者知其性**靈臺**

萬惡不可納於靈臺

神臺

莊子云心為神聖之

臺若鏡

帝王云至人之用心若鏡不將不迎應

而不藏凡人心險於山川莫知於天應

死灰

齊

物云心固可使如死灰乎

天應

外物云心無天

游則六鑒相攘

中虛

荀子云心居中虛以治五

官**天君**

又云聖人清其天君

心照

老子云漈漈

玄覽心照

刻心

莊子云剝心而學道言學道先

去其心也

客主

郭林宗云踰月不見黃叔度則

鄙吝心生

心計

史云桑弘羊以心計十三爲侍

中

一惡

史武王云紂有臣億萬惟億萬心予有

臣三千惟一心

七竅

列女傳云王子比干諫紂

以爲妖言妲己謂曰吾聞聖人之心有七竅竅

有九毛遂剖視之

啓沃

高宗謂傳云啓乃心朕

心沃

金石

後漢世祖指王帝曰此家率江夏諸

將輔翼漢室心如金石真忠臣也是日遷爲漢

中將軍**刃**開異苑云鄭玄師馬融三載無聞融
鄙而遣之玄過千樹陰下假夢寐見一老父以
刀開心謂曰子何以學矣於是却返**難移**尉遲
恭隱太人常贈金皿一車辭以聞秦王王曰公
之心如山岳然雖積金至斗豈能移之**高世**張
建封節度徐州造謝歸下邳慨然有高世心**心**
疾韋綬悅乃感心疾罷還第不極於心**心**蕩莊
子云楚武王伐隨入告夫人曰余心蕩矣**兩心**
褚先生云武帝以任安坐觀成敗有兩心**心**會

世說云簡文帝入華林園顧左右曰會心處不
必在遠翳然林木便自有濠梁想覺魚鳥自來
相親**狗心**裴景泰書云符朗從堅過江王忱與
兄國寶命駕請之沙門沙伏問朗曰是王吏部
兄弟乎朗曰非一狗面人心及一人面狗心者
是耶忱醜而才國寶美而狠故也**石心**賈充云
此吳人木人石心也夏統傳詳見風濤門**小心**
五代史云高行周隸明宗帳下初爲裨將趙得
鈞識之謂明宗曰此子厚貌而小心佗日必大

貴宜善待之
副事陸贄言易曰聖人感人心而

天下和平夫感者誠發而形於事事或未諭故

宣之於言言必顧心心必副事三者相合乃可

求感
欲求孫思邈云心爲之君君尚恭故欲小

詩曰如臨深淵如履薄冰小之謂也
衛張玄

素遷右庶子時太子承乾事游畋不悅學玄素

上書曰心爲萬事主動而無節則亂敗德之原

實在如此
嘔李賀母使婢探囊中見所書多

即怒曰是兒要出心乃已耳
警天孝抱真見王

武俊武俊感其不疑乃指心誓天曰此身已許
公死久矣拔示賊將徐廷光再拜馬燧曰爾以
吾爲欺邪今不遠數步可射我拔而示心廷光
感泣鑿破尹知章少雖學未甚通解忽夢人持
鉅鑿破其心內若剗焉鑿破鏤心鏤志旁睨俊
逸心雄李白送孟賁府還都序云雖長不過七
尺而心雄萬夫鏤心柳宗元乞巧文駢四驪六
錦心繡口

類集卷第十四終